


Absag Brieff/

# Königlicher Maye.

stat in Polen / etc. dem Moscouitischen  
abscheulichen Tyrannischen Feind/durch einen für-  
nemen vom Adel/ Lopazinski genandt/ von hochermelter  
Königl: Mayest: vor seinem Außzug/ mit blossem  
Säbel jüngst vberschickt.

Neben sonderer vermeldung/der grausas-  
men Unmenschlichen Tyrannie/ so der Moscouiter  
bisshero an den armen Christen/ auch an Frawen vnd  
Jungfrawen/vber natürlicher weis  
begangen.



M. D. LXXX.

# Königl. Majest. in Polen/etc. eingang.

**M**it was greulichen Mord/Brand/vnd andern  
abscheulichen Thaten/ der grausame Mosco-  
uitische/ vbernatürliche Tyrann/ nu mehr wi-  
der trauen vnd glauben/ auch auffgerichtten Friedes  
vereinigungen/ sich gegen den armen Christen in Liss-  
land vnd andern örtē erzeigt/ ist nu mehr aus zuvor  
gedruckten Tracterlein genugsam angezeigt/ Ober  
nun begangene solche gewliche Tyranny/vberschickt  
der Moscouitische Tyrann/ Legation vnd Botschaff-  
ten/doch nur vnter einem schein des Fridens/an König:  
Majest: in Polen/ vnd doch gleichmol für vnd für in  
gewönlischer seiner Tyranny fortfarend. Welche Mos-  
couitische Botschafften/ dañ hoch ermelte Kön: May:  
in Polen/ bey sich eine zeitlang behalten/ vnd aus ange-  
borner mildigkeit/wol vnd Königlich tractirt/ auch mit  
herrlichen Geschencken wiederumb abgesertiget/ vnd  
seiner Majest: billigen Krieg/ Zorn vnd Absagbrieff/  
durch einen fürnemen vom Adel/ Lopacinsti genand/  
als Obristen Gesandten vnd Herolden/mit aufgezoge-  
nem blosem Säbel/vertündigen vnd vberreichen lassen.

## Bolgt der Absagbrieff.

**A**On Gottes gnaden/ Stephanus/ erwelter  
König in Polen/Groß Herzog in Littawen/  
Reussen/ Preussen/ Masen/ Sameyde/ Liss-  
land/ Rioui/ Wolhynie vñ Malachey/ rc. auch  
Fürst in Siebenbürgen. Wir bezeugen mit dem ewigen  
Allmechtigen Gott/ das wir gang vngerne/ vnd mit  
höchster beschwerung/ diesen Krieg wieder das Christ-  
liche

liche Volck / dessen wir gerne verschonen wolten / für-  
nemen / welches du mit Tyranny vnter dein schweres  
Joch gebracht / Dañ weis Gott / das wir jeder zeit mehr  
Liebhaber des Friedens / als anfänger dieser Krieg ge-  
wesen seindt.

Dann welcher vernünftiger Mensch / hasset doch  
nicht den / so vnbesügten Tyrannischen Krieg erreget /  
führt vnd auffweilet. Nach dem wir aber von dir Ty-  
rann/erstlich vñ zuvor mit allerley neidstück en / schmach  
vnd iniurien / unsere Untertanen vnd unsrer Hoheit zu  
unterdrücken vnd verkleinern / heftig sind beschwert /  
beleidigt vnd angegriffen worden / welche deine Un-  
menschliche grausamkeit / vntrew und Tyrannisch wü-  
ten / das du danh gegen vns vnd unsren Untertanen  
trotzlich geübt / vns vnd den unsrigen mit nicht zu lei-  
den vnd gedulden. Sonderlich aber ist dir wissent / das  
du vor vielen Jaren / durch betrug / verrätherry / Dein-  
eyd vnd Nichthaltung auffgerichter Bündnus / unsren  
löblichen Vorfahren vnd Königen der Kron Polen / die  
Stedte vnd Vestungen Schmolenzko / Polozko / auch  
andere riel mehr Volckreiche herrliche Stedt / felsch-  
lich eingenommen / Unmenschliche Tyranny gegen  
den armen Christen geübt / auch ganze Landschafften  
mit seinem leichem Aord vnd Brand verheret vnd ver-  
derbet hast.

Es hat dir auch weder Plünderung oder Raub /  
solcher fürnemer Stedt vnd Vestungen / auch nicht die  
menge des Golds oder Silbers / dein grewigkeit setti-  
gen können / dann allein Menschen Blut. So ist dir  
auch kein kurgweil vnd frewd angenemer gewest / denn  
vnschuldigs Blut : Wie du denn viel fürnemer aus den  
Gesandten / als Polen / Litawen vnd andern / in dein  
vnd deiner Sön beysein / hast grausam hinrichten las-  
sen

sei/das auch dir vnd deinen Sönen/ ihr Blut vnter dei-  
nen Augen vnd grausam Angesicht besprongt worden:  
wie du denn deine Söne in solche schändliche Fuß-  
stapffen zu treten/ auferzogen hast.

Viel vnschuldige Gefangene/ hastu in ihrer Harten  
trübsal vnd gefencknuß / mit grausamkeit überlossen/  
vnd gleich zur kurzweil / mit eigner Hand selber jem-  
merlich hingerichtet vnd vmbgebracht. So hast du  
auch als ein gar lustig Speckackel / viel vnschuldige  
Gefangene für die wilden Thier / sie erschrecklich zu  
zerreissen vnd fressen/ fürgeworffen.

Es sein auch wol auff Erden viel grausamer Gott-  
loser Menschen vnd Tyrannen / vnd grosse vbelthat/  
schand vnd mord begangen/ welcher vntthaten beschrie-  
ben/ Und wundert vns/ das du so vorstockt/ vnd gemel-  
ter Tyrannen grosse straff vnd schrecklich Ende nicht  
bedenkest/ zu gemischt fürest/ dich entsezest vnd dafür er-  
schreckest.

Da nun jemand dein schändlich Leben beschreiben  
wolte / würden dazu dächtige Leute zerrinnen vnd  
mangeln / Dann keiner vnter allen Rednern so erfah-  
ren/der deine abscheuliche thaten genugsam erzählen vñ  
aufsprechen künde/ Dann keine tugend oder gütigkeit  
bey dir / dich auch nur gewlichkeit besessen / vnd nie-  
mals der Gerechtigkeit/sonder jeder zeit anderer Leute  
jammer vnd not gefrewet / Wie dann viel deiner vnttha-  
ten so schändlich vnd vnzüchtig geschaffen / also / das  
daruon vor scham weder zu reden oder schreiben ist.  
Der wegen dann deine Blutdürstige Mörderey vnd an-  
dere vntthaten / weil die Welt stehet / in kein vergessen  
kommen.

Damit du dich aber deiner vnlängsten bösen thaten  
vnd gewlichkeit weist zu erinnern / hast du volgends  
ferner

ferner zu vernemen: Und bezeuget erstlich die kurze verloßene zeit/ so vns noch in guter gedechtnus vnd vnvergessen / als wir mit dem Dantzigischen Krieg zu thun vnd zu schaffen hetten/ mit was für greulichen vntugenden vnd misstrawungen / du dich gegen vns vnd unsren Unterthanen erzeigt / In deme/ das du gethan Ayd so gar nicht betrachter/ welcher doch von allen andern Heiden vnd Barbarischen groben Völckern für hoch/ heilig vnd vnuerbrüchlich gehalten wird / Sondern als ein Mainaydiger/ Liffland mit grosser macht vnd Heers krafft überzogen/ Land vnd Leut verheert/ in harte dienstbarkeit gebracht / Frawen / Jungfrawen/ auch der kleinen Kindlein nicht verschont/ Zwölff Festungen vnd Schlößer mit Tyrannischem gewalt vnd verretherry eingenommen/ Auch vnser vnd vnserer Lehens Unterthanen Land vnd Leut/ mit Schwerd/ Gewer vnd allem Feindlichen verderben angegriffen/ vnd vil tausend Menschen erschlagen/ vil Erbare Frawen vnd Jungfrawen geschändet/ vnd der Scytschen vnzucht / in deinem beysein vnd anschauen übergeben/ vnd über das noch einen unzähllichen Schatz vnd Raub daraus geführt / vnd ist Summariter keine Tyranny vnd pein / wie gros vnd grausam auch dieselbige sein künden/ von dir unterlassen worden.

Du hast auch derer / die sich dir gutwillig ergeben/ nicht geschont / noch die Gefangene so dir zu fuss gefallen/ begnadet/ darunter denn vil Frawen/ Jungfrawen/ Kinder / rnd auch Adelichs Blut / die du nicht beherrsiget/ von welcher Tyranny sich die wilden Thier/ als Löwen vnd Beeren/ wie vilen bewußt/ sich enthalten/ vnd denen so sich vor ihnen gedemütiget/ nicht leids gethan.

Aber du Tyrann / da du der Unterthanen billich/  
A iß als

als Adelichem gemüt zustehet / loblich vnd rümlich ist /  
verschonen sollest / da hast du vil desto mehr Tyranni-  
sirt. Kein bitten/ flehen/ weynen/ noch füssfallen der  
elenden armen Leut / hat dich zu barmhertzigkeit oder  
gnaden beweget / auch kein Gottsförcht dich von  
solchen grausamen thaten abgeschreckt.

Derhalben weil du weder Gott förchtest / noch  
Menschen scherwest / vnd so vermessn dich rhümet / das  
mit du dein falsch lang tragent Herz vnd gemüt an tag  
gibest / in kurzen ein gewaltiger Herr vnd gebieter vber  
gang Europa zu werden.

Hierauff sagen wir dir vnser vngnad / zorn vnd  
Krieg an / dich mit vnserer Macht vnd Heers krafft  
feindlich / wo wir können vnd mögen / anzugreissen/  
im Namen vnd mit hilff des Allmechtigen Gottes/  
welcher ist Ihesus Christus vnser Heyland / den du  
mütterich nicht kennest / sondern vnehrest vnd verachtest.  
Doch solches alles mit dieser aufrücklichen Condi-  
tion / da du vns die Sted vñ Vestung Pologko / Schmo-  
lentzko / vnd andere / vnserm Königreich Polen vnd Her-  
zogthumb Littaw zuständig / freywillig einraumest /  
vnd die Gefangenen frey gelassen / Dergleichen den  
Raub / den du in Moscaw gefürt / ohne abgang / mir  
vnd den meinigen wider einant wortest / die schäden so  
vielfeltig geschehen / wider erstattest / vnd dein Kriegsz-  
volck in Liffland als bald abschaffest / welches Land  
du dich unbesugter weis / mit gewalt einen Erbherren  
schreibest.

Da du nun gutwillig dis alles / gehörter massen /  
ohne Krieg vnd Blut vergissen wirst wider geben / vnd  
diesen vnsern gegenwertigen Kriegs vñkosten gentlich  
erlegen vnd bezahlen / das magst du vns durch diesen vn-  
sern getrewen lieben Abgesandten Lopacinsli / für-  
derlich

derlich zu wissen machen. Da du aber in deiner gang  
vnbefügter/ vnd nimmermehr verantwortlicher blosen  
frecheit vnd vbermut verharren vnd fortfahren wirst/  
So vbersende ich dir durch gemeleen meinem Gesand-  
ten ein bloses Schwerdt / welches dir neben anderm  
Befehl ein gewisses Zeichen vnd anzeigung ist/vnserer  
billich tragenden Feindschafft vnd zornigen gemütes  
gegen dir.

Wir sein ja wol jeder zeit in Bedencken gestanden/  
vnd wolten herzlich gerne/das wir mit einem so schend-  
lichen/ lesterlichen vnd gar ergerlichen Tyrannen nicht  
Krieg führen solten / Aber die weil ohne zweifel/ durch  
verhencnus Gottes/ wegē vile vnser Sünd/die Sted/  
Vestungen/ Land vnd Leut/ so du mit keinem Recht/  
durch Tyrannischen Unmenschlichen gewalt/on einig  
vrsach eingenommen/villeicht one Krieg vnd Blutver-  
gissen/ nicht künden wider eröbert werden / Der wegen  
wir dann den lieben Gott anrufen vnd bitten/ das sein  
Götliche gnad deine übernatürliche/ grausame/ zuvor  
vnerhörte Onzucht/ thaten vnd bößheiten/ dergleichen  
auch dein Blutdürstig gemüt vnd vnersettigten Geiz/  
durch vns straffen/ dich stürzen vnd stillen wölle.

Dann ich dir dis vnser bloses Schwerdt/vnd fürha-  
benden billichen Krieg / nicht der meinung vberschicke  
vnd verkünden lassen/das wir einig lust oder gefallens/  
zu vergiessung Menschenblut hetten/Sondern das wir  
die grosse Tyrannische vnbilligkeit / so vns von dir ver-  
echtlich beweisen vnd erzeigt/ abtreiben/ aus gerechten  
guten vrsachen rechen/vnd die vnserigen/ so du Tyrann  
langwirig gequelet/freyen/vñ endlich erledigen mögen.

Mir wöllen vnd begeren auch von ganzem Hertzen/  
viel lieber ein Mehrer / Erhalter vnd Auffbawer der  
Christenheit/ als derselbigen Mörder / wie du bist / zu  
sein.

Nach

Nach dem wie auch bſlich vnd in allweg/ des Allmechtigen Gottes gnad/gütigkeit/ſegen vnd beystand/  
viel höher vnd gewaltiger achten / als vnser kreffte/  
welche deinem gewalt/vnd menge deines Volks nicht  
zu vergleichen / Sein wir doch angeregter massen/ mit  
Gottes hülff endlich entschlossen / an welchen ort du  
auch ſeift/dich zu ſuchen/ mit Schwerdt vnd ſewer zu  
überziehen.

Dieweil du aber durch deine Botschaft Fried be-  
gerest / welchen wir keines megs außſchlagen / noch  
vns daffen widern / Doch ist allein vnser gentlich wölb-  
len/ das du dasjenige/ fo du bekommen/ gewaltätigter  
weis eröbert/wider einmortest/aus Liffland weichest/  
auch alle ſcheden vnd außgewantnen vnkosten / als dro-  
ben gemelt/ erstattest.

Was kan aber mit einem ſolchen / nichts halten den  
Tyrannen/ für Beständigkeit/Bündnuk oder Frieden/  
außgericht werden / bey welchem weder trauen oder  
glauben / zucht oder erbarkeit / Gottes forche oder tu-  
gend iſt/ Vnd were wol/wir wolten auch als dann von  
Friedes ſachen mit dir aufrichtiger Handlung pflegen/  
wann du zuvor die Sted vnd Vestung/ Schmolenzko/  
Polozko vnd andere/ vns außſchän wirſt/ vnd den zuge-  
fügten ſchaden ablegen / So wollen wir vns von über-  
ziehung vñ feindlicher anfechtung deiner Land/geng-  
lich enthalten / vnd von vnſerm fürgenommenen / doch  
billichen/ von dir verursachten Krieg/ablaſſen/zc.

Gehab dich wol / vnd magſt dich also in diesen  
Kriegſachen erzeigen/ als du dich das vergangene Jar  
in Liffland/da ich nicht entgegen/ verhalten haſt. Ge-  
ben in vnſerer Stad vnd Vestung Suir / der Littawi-  
ſchen Grenzen/des vergangenen 1579. Jars.

Aus eurem Magdeburgischen Exem-  
plar gedruckt,